



Na osnovu člana 95. Statuta Općine Travnik (Prečišćeni tekst "Službene novine Općine Travnik", broj 11/05), odredbi Programa novčanih poticaja za unapređenje poljoprivredne proizvodnje općine Travnik za 2019.godinu ("Službene novine Općine Travnik", broj: 7/19), načelnik Općine Travnik, r a s p i s u j e

**JAVNI POZIV**  
**za dodjelu poticaja za unapređenje poljoprivredne proizvodnje Općine Travnik**  
**za 2019.godinu**

**I**

Pravo na ostvarivanje poticaja imaju sva fizička lica koja ispunjavaju opće i dodatne kriterije, te koji blagovremeno, u roku propisanom Javnim pozivom, podnesu zahtjev za poticaj sa potrebnom dokumentacijom.

**II**

**Vrste poticaja**

**1. Nabavka i dodjela kosilica**

Planirana sredstva za ovu vrstu poticaja su u iznosu od 48.000,00 KM, koje će se utrošiti na sljedeći način:

- Općina Travnik će izvršiti nabavku kosilica u ukupnoj vrijednosti od 48.000,00 KM, koje će biti dodijeljena odabranim korisnicima.
- Broj korisnika će zavisiti od broja nabavljenih kosilica za planirani iznos od 48.000,00 KM.

**2. Nabavka i dodjela muzilica**

Planirana sredstva za ovu vrstu poticaja su u iznosu od 16.000,00 KM, i ista će se utrošiti na sljedeći način:

- Općina Travnik će izvršiti nabavku muzilica za krave, u ukupnoj vrijednosti od 16.000,00 KM, koje će biti podijeljene odabranim aplikantima. Broj korisnika će zavisiti o broju nabavljenih muzilica za planirani iznos od 16.000,00 KM.

**3. Nabavka i dodjela plastenika**

Planirana sredstva za ovu vrstu poticaja su u iznosu od 18.000,00 KM i ista će se utrošiti na sljedeći način:

- Općina Travnik će izvršiti nabavku plastenika površine 50m<sup>2</sup> sa dodatnom opremom, te kompletnom izradom, isporukom i montažom, u ukupnoj vrijednosti od 18.000,00 KM, koje će biti podijeljene odabranim aplikantima. Broj korisnika će zavisiti o broju nabavljenih plastenika za planirani iznos od 18.000,00 KM.

Obaveza korisnika je da pripremi i izravna zemljište na kome će se montirati platenik.

**III**

Odabir korisnika poticaja za unapređenje poljoprivredne proizvodnje Općine Travnik za 2019.godinu vršit će se na osnovu dole navedenih kriterija, a koje je potrebno argumentirati navedenom potrebnom dokumentacijom:

Pravo na ostvarivanje poticaja ima poljoprivredni proizvođač koji ispunjava sljedeće uslove:

- da ima mjesto prebivališta u općini Travnik

- da je upisan u Registar poljoprivrednih gazdinstava i Registar klijenta
- za vrstu poticaja "Nabavka i dodjela kosilica" da posjeduje ili raspolaže na osnovu ugovora o korištenju, minimalno 10 duluma obradivog zemljišta
- za vrstu poticaja "Nabavka i dodjela muzilica" da posjeduje minimalno 1 muznu kravu

Listu prioriteta za kandidate koji ispunjavaju uslove iz prethodnog stava utvrdit će Odbor za poljoprivredu Općinskog vijeća, a na osnovu sljedećih kriterija:

Rbr.	KRITERIJI	INDIKATOR	BR. BODOVA	MAX BODOVI
1.	Materijalno socijalni položaj	- prihod od 0 – 50,00 KM po članu domaćinstva	30	30
		- prihod od 51,00 – 99,00 KM po članu domaćinstva	25	
		- prihod od 100,00 – 149,00 KM po članu domaćinstva	20	
		- prihod od 150,00 - 199,00 KM po članu domaćinstva	15	
		- prihod od 200,00 – 249,00 KM po članu domaćinstva	10	
		- prihod od 250,00 – 299,00 KM po članu domaćinstva	5	
		- prihod preko 300,00 KM po članu domaćinstva	0	
2.	Broj članova domaćinstva	1 član	2	12
		2 člana	4	
		3 člana	6	
		4 člana	8	
		5 članova	10	
		6 i više članova	12	
3.	Broj djece koja se školuju	1 dijete	2	6
		2 djece	4	
		3 i više djece	6	
4.	Podnositelj zahjeva je povratnik	DA	5	5
		NE	0	
5.	Podnositelj zahtjeva je demobilisani borac	DA	5	5
		NE	0	
6.	Podnositelj zahtjeva je RVI	DA	5	5
		NE	0	
7.	Podnositelj je član porodice poginulih boraca	DA	5	5
		NE	0	
MAKSIMALAN BROJ BODOVA				68

#### IV

Kod prijave za ostvarenje poticaja podnosioci zahtjeva su dužni obavezno dostaviti sljedeću dokumentaciju (orginal ili ovjerenu kopiju):

- Uvjerenje o prebivalištu - Potvrda CIPS-a
- Potvrda o opisu u RPG i RK izdata od nadležne općinske službe
- Potvrda A1-17 izdata od strane Veterinarske stanice o vrsti i broju stoke koju podnosioc posjeduje za podnosioc zahtjeva za dodjelu muzilice.

- Ovjerena fotokopija posjedovnog lista ili zk izvodka na ime podnosioca zahtjeva ili ovjerena fotokopija ugovora o zakupu ili korištenju poljoprivrednog zemljišta za podnosioca zahtjeva, za dodjelu kosačice.
- Kućna lista izdata isključivo od strane nadležne mjesne zajednica (neće se uzimati obzir izjava ovjerena kod nadležnog organa).
- Za sve punoljetne članove domaćinstva dostaviti sljedeće:
  - za zaposlene, potvrdu o prihodima (platnu listu za posljednju isplaćenu platu ovjerenu od strane poslodavca, original; za pezionere posljednji ček od penzije, original),
  - za nezaposlene, potvrda o nezaposlenosti (potvrda Zavoda za zapošljavanje),
  - za nezaposlene koji se ne nalaze u evidenciji Zavoda za zapošljavanje potvrdu Fonda PIO/MIO da nije osiguran ni po kojem osnovu.

Za dodatno bodovanje dostaviti:

- za djecu koja se školuju - Potvrda o školovanju
- za povratnike - Potvrda nadležne općinske službe
- za demobilisane borce - Potvrda Nadležne grupe za pitanja evidencije iz oblasti vojne obaveze (bivši Vojni odsjek - Vojna pošta)
- za RVI - Povrda nadležne općinske službe o visini invalidnosti i primanjima po navedenom osnovu
- za članove porodice poginulih boraca - Potvrda nadležne općinske službe sa naznačenim primanjima po navedenom osnovu.

**Svi poljoprivredni proizvođači koji su u 2017. i 2018.godini ostvarili pravo na općinski poticaj u poljoprivrednoj proizvodnji (kosilice, kopačice, muzilice i platenici), kao ni članovi njihovog zajedničkog domaćinstva, ove godine ne mogu ostvariti pravo na poticaj u poljoprivrednoj proizvodnji po ovom Programu.**

Iz jednog domaćinstva pravo na poticaj može ostvariti samo jedna osoba, po jednoj vrsti poticaja.

U slučaju istog broja bodova poljoprivrednih proizvođača, prednost za dodjelu imat će:

- poljoprivredni proizvođač čiji je prihod po članu domaćinstva niži,
- ukoliko je prihod po članu domaćinstva isti prednost će se dati poljoprivrednom proizvođaču sa većim brojem članova domaćinstva.

Odabrani poljoprivredni proizvođači dobivenu poljoprivrednu mehanizaciju/platenik ne smiju otuđiti najmanje 3 (tri) godine od dana preuzimanja iste, jer će se u protivnom pokrenuti procedure za naknadu u protivvrijednosti dobivene robe.

Odabir korisnika podsticaja u poljoprivrednoj proizvodnji za 2019.godinu izvršit će Odbor za poljoprivredu Općinskog vijeća na osnovu prijave pristiglih po javnom pozivu, koji će na prijedlog Odbora za poljoprivredu, objaviti načelnik Općine Travnik.

Javni poziv za dodjelu poticaja za unapređenje poljoprivredne proizvodnje Općine Travnik za 2019.godinu ostaje otvoren od 06.06.2019.godine do 21.06.2019.g.

Prijave na Javni poziv sa prijavnim obrascem i potrebnom dokumentacijom predaju se na Protokol Općine Travnik ili putem pošte na adresu:

“Općina Travnik, Služba za razvoj, privredu i vanprivredu  
Ul. Konatur bb, 72270 Travnik”

Prijavni obrazac se može preuzeti na web stranici Općine Travnik ([www.opcinatravnik.com.ba](http://www.opcinatravnik.com.ba)) i na protokolu Općine.

Prijave se podnose u zatvorenoj koverti sa naznakom “Prijava na javni poziv za dodjelu poticaja za unapređenje poljoprivredne proizvodnje”. “Ne otvaraj”.

Nepotpune i neblagovremene prijave neće se uzimati u razmatranje.

Odbor za poljoprivredu Općinskog vijeća Travnik će nakon završenog bodovanja pristiglih prijava objaviti Rang listu aplikanta na oglasnim pločama i web stranici Općine Travnik.

Broj: 01\_\_\_\_\_/19  
Datum: \_\_\_\_\_2019. godine

**NAČELNIK**

***Admir Hadžiemrić, dipl.ecc.***